

Skýrsla stjórnar Rótarýklúbbs Reykjavík Miðborgar 2019-2020

Starfsárið 2019-2020:

Forseti: Guðrún Ragnarsdóttir

Viðtakandi forseti: Pétur Magnússon

Ritari: Jón Sigurðsson

Gjaldkeri: Arney Einarsdóttir

Stallari: Jón Sigurðsson

Fráfarandi forseti: Stefán S. Stefánsson

Starfsárið 2020-2021:

Forseti: Pétur Magnússon

Viðtakandi forseti: Hrefna Briem

Ritari: Sigríður Snæbjörnsdóttir

Gjaldkeri: Einar Sigurðsson

Stallari: Þórunn Sigurðardóttir

Fráfarandi forseti: Guðrún Ragnarsdóttir

Ágætu rótarýfélagar og gestir

Verið velkomin á þennan síðast fund okkar, fundur númer 25 á þessu starfsári og nr. 1115 frá upphafi. Þetta starfsár hefur verið um margt ólíkt öðrum starfsárum bæði hvað varðar skipulag starfsársins og ekki síður vegna áhrifa COVID-19.

Fráfarandi stjórn ákvað að nýta þá heimild að fækka fundum í 26 í von um að bæta mætingu klúbbfélaga. Til að auðvelda klúbbfélögum að muna hvenær væru ekki fundir var ákveðið að fella niður fundi fyrsta mánudag í hverjum mánuði. Þar sem við lentum í tæknivandræðum haustið 2018 liggja ekki mætingartölur fyrir það starfsárið til að bera saman við starfsárið í ár. Tilfinning mín er hins vegar sú að ekki hafi tekist að bæta mætinguna eins og væntingar stóðu til um. Einnig er vert að vekja athygli á því að 24 klúbbfélagar eru með undanþágu frá mætingu og fá því alltaf mætingu, samahvort sem þeir mæta eða ekki.

Hvað sem enn veldur því að mætingahlutfallið heldur áfram að vera í lægri kantinum er ekki annað hægt að segja en að erindin hafi verið mjög áhugaverð í vetur. Þrátt fyrir COVID-19 féllu bara niður 2 fundir og í staðinn gripum við til Zoom funda sem tókust mjög vel. Við náðum svo að ljúka starfsárið á því að hittast aftur á Nauthóli sem var ánægjulegt.

Í febrúar var gerð könnun með klúbbfélaga á breyttu fundarfyrirkomulagi og er óhætt að segja að flestir séu á því að breytingin hafi verið góð eða samkvæmt rúmlega 80% svarenda. Einnig var spurt út í fundartíma og fundarstaði og var almenn ánægja með það.

Í dag eru 74 félagar í klúbbum en á árinu bættist við einn nýr félagi. Það var markmið stjórnarinnar að laða að fleiri unga karlmenn en því miður tókst það ekki. Í dag eru 40 konur og 34 karlar félagar og er því farið að halla á karlmennina. Vonandi nær verðandi stjórn að bæta úr þessu.

Þýskalandsferð

Í september 2019 var farið í vel heppnaða ferð til Suður Þýskalands sem skipulögð var af ferðanefnd. Flogið var á München 2. sept. og þaðan haldið til Ruhpolding sem er fallett þorp í Suður Þýskalandi, nánast eins og að vera staddur í póstkorti. Daginn eftir var farið í dagsferð til Berchtesgaten þar sem Arnarhreifið var heimsótt og um kvöldið var farið á Týrólastaðinn Raffneralm þar sem snæddur var kvöldverður og dansað að hætti innfæddra. Næsta degi var ráðstafað í gönguferðir um Ruhpolding þar sem þátttakendur gátu valið um mismunandi

gönguleiðir eftir áhuga og erfiðleikastigum. Þann 5 sept. var haldið til Salzburgar þar sem borgin var skoðuð og Mozart safnið heimsótt. Daginn eftir var haldið heim á leið eftir mjög ánægjulega ferð til Suður Þýskalands.

Fyrirtækjaheimsóknir

Aðeins náðist að fara í eina heimsókn en 16. september tók Sævar Freyr Þráinsson klúbbfélagi og bæjarstjóri á Akranesi á móti okkur. Fyrst var okkur boðið í Guðlaug sem var einstaklega skemmtilegt og síðan var tekið á móti okkur í nýju frístundamiðstöðinni við Garðavöll. Þar sagði Sævar okkur frá ýmsu áhugaverðu sem tengist uppbyggingu á Akranesi.

Jólafundurinn

Skemmtinefndin undirbjó glæsilega dagskrá 9. desember þar sem dúettinn Baldvin og Kjartan, sögðu okkur frá bóheminum Jacques Brel og fluttu lög eftir hann á hinu ástkæra ylhýra. Síðan las Einar Kárason rithöfundur las upp úr nýrri bók sinni um leikstjórnann Friðrik Þór Friðriksson sem ber heitið "Með sigg á sálinni". Það var ánægjulegt að sjá hversu vel var mætt á jólafundinn og flestir höfðu með sér maka.

Dagbók starfsársins á Facebook

Nokkuð samfelld skráning funda á árinu er á Facebook síðu klúbbsins, þar sem stutt lýsing og mynd af fyrirlestrum hefur verið færð inn. Ég hygg að þessi einfalda og skilvirka leið sé góð til að skrá sögu klúbbsins, auðvelt að uppfæra og gögn vel geymd. Ennfremur verður þessi skýrsla aðgengileg á heimasíðu klúbbsins.

Styrkir greiddir af Rótarý Reykjavík Miðborg

Stjórnin ákvað að styrkja að þessu sinni Mæðrastyrksnefnd Reykjavíkur og Fjölskylduhjálpi Íslands um sitt hvorn 350.000 kr. COVID-19 hefur haft áhrif á okkur öll og ekki síst þau sem minnst mega sín. Þess vegna fannst okkur kjörið að styrkja þessa mikilvægu starfsemi með okkar framlagi.

Auk þess ákvað stjórnin að greiða sérstaklega sem samsvarar 30 dollurum á hvern Rótarýfélaga í Polio sjóð Rotary International sem hefur verið langstærsta verkefni Rótarýhreyfingarinnar sl. 30 ár.

90 ára afmæli Frú Vigdísar Finnbogadóttur

Í tilefni af 90 ára afmæli Frú Vigdísar Finnbogadóttur var ákveðið að halda sérstakan hátíðarfund tileinkaðan henni. Vegna COVID-19 var ákveðið að fresta honum fram á haust og mun því viðtakandi stjórn annast skipulagningu hans.

Yfirlit funda er sem hér segir:

1	26.8.2019	Kynning á starfi Samfés
2	2.9.2019	Þýskalandsferð
3	9.9.2019	Það eiga allir rétt á því að eiga vin
4	16.9.2019	Heimsókn til Akraneskaupstaðar
5	23.9.2019	Velgengni íslenska landsliðsins og íslenskrar knattspyrnu.

6	30.9.2019	Rekstur fyrirtækis í fjölþjóðlegu umhverfi í Evrópu
7	14.10.2019	Strætó
8	21.10.2019	Heimsókn Umdæmisstjóra Rótarý
9	28.10.2019	Fiskað eftir nýjum lyfjum: Hagnýting grunnrannsóknna
10	11.11.2019	Hvað er efst á baugi í utanríkismálum?
11	18.11.2019	Laga- og skattaumhverfi atvinnulífsins
12	25.11.2019	“Eru fasteignaskattar orðnir of íþyngjandi fyrir atvinnulífið?”
13	9.12.2019	Jólafundur
14	13.1.2020	Síldarárin 1867-1969
15	20.1.2020	Hvað getum við lært af Klopp í almannatengslum
16	27.1.2020	„Arfleifð Pike Ward. Með Ísland í farteskinu“
17	10.2.2020	Lífsgæði í leik og starfi
18	17.2.2020	Bjarkarhlíð
19	24.2.2020	Landsbankinn og fjármálamarkaðurinn
20	9.3.2020	Hornstrandir
21	20.4.2020	Íbúar í forgrunni
22	27.4.2020	Heimsmarkmið Sameinuðu þjóðanna
23	11.5.2020	Kynning á RÚV 2020
24	18.5.2020	Áskoranir Þjóðlistasafns
25	8.6.2020	Stjórnarskiptafundur

Af ofangreindri dagskrá má sjá að um skemmtilega og metnaðarfulla dagskrá var að ræða. Eiga allir þeir sem að starfinu koma þakkir skildar. Ég vil fyrir mína hönd þakka traustið á líðandi vetri, þakka einstaklega ánægjulegt samstarf með stjórninni og nefndum. Að lokum vil ég óska viðtakandi stjórn velfarnaðar og góðs gengis á komandi vetri.

F.h. stjórnar:

Guðrún Ragnarsdóttir

forseti Rótarýklúbbs Reykjavík Miðborg